



Broj: 04-16.5-247-4/21
Sarajevo, 25.10.2021. godine

Na osnovu člana 100. stav (3) Zakona o javnim nabavkama ("Službeni glasnik BiH" broj 39/14) postupajući po žalbi ponuđača "Udruženje sudskih tumača Republike Srpske(u daljem tekstu: žalilac) Banjaluka podnesenoj Direkciji za ekonomsko planiranje(u daljem tekstu: Ugovorni organ) od 18.10.2021. godine na Tendersku dokumentaciju u postupku Javnog poziva za dostavljanje usluge prevođenja broj: 04-16.5-245-2/21 od 14.10.2021. godine direktor Direkcije za ekonomsko planiranje d o n o s i

ODLUKU

o poništenju postupka javne nabavke

Član 1.

Poništava se postupak nabavke usluga prevođenja, te tenderska dokumentacija broj 04-16.5-245-2/21 objavljena na portalu Direkcije za ekonomsko planiranje www.dep.gov.ba

Član 2.

Ugovorni organ će o poništenju postupka javne nabavke obavijestiti sve učesnike u postupku.

Član 3.

Ova Odluka stupa na snagu danom donošenja.

Obrazloženje

Javni poziv za dostavljanje ponuda za usluge prevođenja pokrenut je Odlukom o pokretanju broj 04-16.5-247-1/21 od 30.09.2021. godine. Procijenjena vrijednost javne nabavke bez PDV-a je 18.000,00 KM, a postupak se provodi na način kako je regulisano provođenje usluga koje su pobrojane u Aneksu II dio B Zakona o javnim nabavkama Bosne i Hercegovine ("Službeni glasnik BiH" broj 39/14).

Javni poziv za dostavljanje ponuda za usluge prevođenja, broj 04-16.5-245-2/21 od 14.10.2021. godine, objavljen je na web stranici Direkcije za ekonomsko planiranje, u skladu sa članom 7. stav (3) Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH" br. 66/16), te je isti upućen na 3 adrese.

Dana 21.10.2021. godine u Direkciju za ekonomsko planiranje zaprimljena je žalba od ponuđača Udruženje sudskih tumača Republike Srpske od 18.10.2021. godine.

Prije nego se upustio u meritorno odlučivanje po izjavljenoj žalbi, ugovorni organ je pristupio provjeri formalno-pravnih pretpostavki za ulaganje žalbi, a koje moraju biti ispunjene na strani žalioca, kako bi se uopšte pristupilo njenom rješavanju, te je utvrdio da je ista izjavljena blagovremeno, dopušteno i od strane ovlaštene osobe, zbog čega je moguće dalje postupati po njoj.

Imajući u vidu sve prednje izneseno, ovaj organ se u skladu sa odredbama člana 100 stav (3) Zakona o javnim nabavkama kojim je propisano da „Ako je žalba blagovremena, dopuštena i izjavljena od ovlaštenog lica, ugovorni organ, razmatrajući žalbu, može utvrditi da je ona djelimično ili u cijelosti osnovana i svojim rješenjem ispraviti radnju, preduzeti činjenje ili može postojeću odluku ili rješenje staviti van snage i zamijeniti je drugom odlukom ili rješenjem, **ili poništiti postupak javne nabavke**, te o tome obavijestiti učesnike u postupku javne nabavke na način određen ovim zakonom, u roku od pet dana od dana prijema žalbe”, odlučio na poništenje predmetnog postupka u cijelosti, a sve kako bi se otklonile nedoumice u predmetnom smislu i predmetni sadržaj propisan tenderskom dokumentacijom u navedenom dijelu uskladio sa zakonskim i pozakonskim odredbama.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi u skladu sa članom 100. stav 4 Zakona o javnim nabavkama BiH, u roku od pet dana od dana prijema ove Odluke, putem Direkcije za ekonomsko planiranje Vijeća ministara Bosne i Hercegovine..

DIREKTOR

Zoran Zeljko



Dostaviti:

1. Žaliocu
2. Ponuđačima kojima je proslijeđen Javni poziv
3. Sektor za zajedničke i opšte poslove
4. a/a